



UPA 2019 – 11

Nunatta karsiata 2018-imut naatsorsuutaasa akuersissutigineqarnissaanik siunnersuut pillugu nunatta qitornai-niit imaatumik oqaaseqassaagut

Nunatta karsiata 2018-imut naatsorsuutit Namminersorlutik Oqartussat kukkunersiuisuinit avataaneersunit akuerineqartut naalakkersuisup saqqummiussaani atuarneqarsinnaavoq.

Nunatta karsiata 115 mio. koruuninik sinneqartooruteqarpoq naak amigartooruteqartussatut missingersuusiortoqarsimagaluartoq. Taamaasilluni pitsanngoriaatitut taaneqarsinnaasut katillugit 267 mio koruuniupput.

Nunatta karsiata naatsorsuutaasa inerneranni takuneqarsinnaavoq raajanut aalisakkanullu akitsuutit katillugit 154 mio. koruuninik qaffariaateqartut tamannalu qujanarpoq.

Ingerlatsinermi aningaasartuutit 198 mio. koruuninik amerleriarput tamannalu kommunenut qujanarpoq.

Sanaartugassanut iluarsagassanullu aningaasateqarfiup nassiaataa malillugu 2018-imi suliniutit nutaat 24-iusut Nunatta Qitornai-niit maluginiarparput saniatigullu suliat ingerlareersut ukiup siulianeersut 113-it ammattaq 2018-imi suliarineqarsimasut maluginiarparput.

Matumuuna immikkut Nunatta Qitornai-sa maluginiarpaat uparuarumavaallu Nukissiorfiit 1,6 mia. koruuninik nalikilliliisimanerat, Taamaatumik nalikilliliissutaasut allanut aningaasaliissutaassamaarnersut pilersaarummik takusaqarnissaq matumuuna Nunatta Qitornai-sa kissaatigaat.

Taama naatsumik oqaaseqarluta Nunatta Qitornai-sa Inatsisartut ukiakkut ataatsimiinnermi 2019-imi saqqummiunneqarnissamat piareersimanissaanut naapertuuttumik atatsimiititaliap pineqartup piffissaqartinneqarnissaa angurusullugu siunnersuutip 2019 -imi ukiakkut ataatsimiinnermi aappassaaneerineqarnissaa innersuunnersuutigissavarput.